



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbtd@jtbtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbtd@jtbtd.ba

Broj: T18 0 KT 0015901 22
Brčko, 20.07.2022. godine

Na osnovu člana 35. stav 2. tačka z) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

Mehmeda Tursunovića ... rođen 1978. godine u Brčkom [...]

Što je:

Dana 16. januara 2022. godine, oko 21,00 čas, u ulici Reisa Džemaludina Čauševića, Brčko distrikt BiH, u prostorijama Službe hitne medicinske pomoći, u momentu kada je medicinski tehničar, M. K, uvodio u prijemnu ambulantu trećeg pacijenta, a u kojoj su prethodno na pregledu kod ljekara već bila prisutna dva pacijenta, tada se M. unio u lice, obrativši mu se riječima „Hoću pregled, nisam dobro čitav dan“, te kada ga je M. zamolio da sačeka u čekaonici, dok završi s drugim pacijentima, tada mu se ponovo obratio riječima „Ja nigdje ne čekam“, nakon čega je zamahom svoje glave dva puta udario M. u predjelu njegove glave, znajući i svjestan da takvim ponašanjem i zadavanjem udarca vrši nasilje prema M. i ugrožava njegovu bezbjednost, a što je i htio, te dok ga je M. zajedno s ostalim medicinskim osobljem pokušavao izvesti u čekaonicu, nastavio je da galami i prijeti, zbog čega su neki od pacijenata koji su bili prisutni tom prilikom pobjegli, te je i dalje, dok je bio u čekaonici, prijetio kako će sve prisutne medicinske radnike prebiti,

dakle, vršenjem nasilja ugrozio bezbjednost drugog i time prouzrokovao znatno uznemirenje i strah kod građana,

čime je učinio krivično djelo – Nasilničko ponašanje – iz člana 356. stav 1. Krivičnog zakona Brčko distrikta BiH.

[...]

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
